

所在皆爲立廟其在烏雷山者爲伏波綠海

進軍所經之路實握華夷天險云

後漢書
一統志

孟嘗字伯周會稽上虞人少修操行後策孝廉
舉茂才拜徐令遷合浦太守廉民賴珠爲活
前守多採求不知紀極珠遂漸徙於交趾郡
界於是行旅不至人物無資貧者餓死於道
嘗求民利病革易前弊曾未踰歲去珠復還
商貨流通稱爲神明被徵當行吏民攀車請
之不得進乃載鄉民船乘夜遁去桓帝時尚

書楊喬上書薦嘗竟不用卒於家

本傳

吳薛綜字敬文沛郡竹邑人也少明經善屬文
舉秀才漢末大亂乃依故人避地交州從劉
熙學士燮既附孫權召綜爲五官中郎除合
浦太守治郡威惠兼行民獠愛之獠俗女子
嫁後別相然諾卽與偕死其夫不能止綜繩
以禮禁乃少戢上疏言南海蒼梧鬱林珠官
四郡未綏新刺史宜得方畧智計假之威寵
責之成效從之官至太子太傅

宋陳伯紹潁川人晉南渡家於吳興遂爲吳興人少勇智英發歸宋官龍驤將軍領西江兵討妖人劉思道誅之遂守東官爲西江都護以合浦北界夷獠叢居隱伏巖障寇盜不息野無編戶乃帥兵二千人獵於北地見二青牛驚走入草使人逐之不得乃識其處云此地當有奇祥啟立爲越州明帝命爲交州刺史使經營焉七年始置百梁龍蘇永寧安昌富昌南流六郡割交廣朱鳶三郡來屬元徽

二年以伯紹爲刺史始立州鎮穿山爲城門
以保邊境俗呼爲青牛城伯紹恩惠及民咸
服俚獠土故有瘴氣至是風土漸變編戶漸
繁民甚德之及卒民爲立祠於今郡治東北
三十里謂之陳王祠

宋書

唐李邕字泰和江都人以文章顯累官殿中侍
御史左遷起爲陳州刺史素與中書令張說
相惡會仇人告邕贓罪下獄當死許昌男子
孔璋上書願以身代邕死疏奏邕得減貶欽

州遵化尉邕負重名所至聚觀如堵至欽漸
罕來者乃讀兵書巡峒往來飲欽江之水以
爲醴泉不是過也爲文祭之感時傷事作六
公詩以美張柬之桓彥範敬暉袁恕已崔元
暉狄仁傑盡忠唐室因自寄焉後起爲刺史
出爲北海太守爲林甫所陷殺之代宗朝贈

秘書監

顏游泰瑯琊臨川人武德初累遷廉州刺史時
黑闥初平人多暴梗游泰至撫恤境內禮讓

大行民歌之曰廉州顏有道性行同莊老愛
人如赤子不殺非時草高祖璽書獎勞

馬總字元會系由扶風元和中以虔州刺史遷
安南都護廉滯不撓用儒術教其俗政事嘉
美彝獠安之建二銅柱于漢故處剗著唐德
以明伏波之裔嘗駐合浦甚有威惠進御史
大夫遷桂管經畧使

劉瞻桂陽人懿宗咸通時土疏諫復太醫韓宗
紹等帝大怒又以巖路韋保衡譖斥廉州刺

廣州府志 卷之六
史瞻鯁正廉約所得俸貲以周親舊之窶困者家不貲儲無第舍四方饋獻不及門行已始終完潔

宋蔣元振不知何許人淳化中知廉州清苦勵節家屬多貧不能瞻悉寄潭州在任啜菽飲水政尚簡易民甚愛之

曹克明字堯卿雅州百丈人景德中知邕州以恩信撫蠻峒酋長左右西江蠻峒三十六咸來歸順獨如洪峒恃險不至克明諭西江防

邊使黃衆盈引兵攻之斬其首領陸木前梟
於市徙宜融桂昭柳象邕欽廉白十州都巡
檢使兼安撫使蠻酋獻藥一器云中毒箭以
是解之可不死克明卽取毒箭試酋股而飲
以藥卽死羣蠻慙懼而夫

危祐字夢弼南城人天禧三年進士知邵州使
者按治有所求祐告以民情不從因置笏曰
某不敢擾民以固位請遂歸百姓遮道畱之
尋遷太學博士以言詆宰相謫守廉州吏進

聚珠扇嘆曰方爲廉州守而執此扇以對吏
民獨不愧州名乎却之

江西通志

劉炳不知何許人嘉祐初知廉州建修橋梁盡
革催科前弊民以不擾尋陞太常寺丞父老
攀畱不得乃繪象祀之

蘇緘字宣甫泉州晉江人舉進士神宗時知廉
州時吏多侵暴緘勵以清白貪污者化民屋
多茆竹戍卒楊禧醉焚營延燒民廬因乘以
爲竊緘戮之於市坐謫潭州都監後知邕州

熙寧八年蠻入寇陷欽廉破邕四砦緘勒兵
固守外援不至被圍四十二日死之神宗嗟
悼贈諡召其子元謂曰邕管賴卿父守禦倘
如欽廉卽破則賊乘勝奔突桂象皆不得保
矣昔張巡許遠以睢陽蔽遮江淮較之卿父
不能過也改授殿中丞

余靖字安道韶州曲江人舉進士皇祐四年蠻
賊儂智高陷邕州破嶺南州縣圍廣州乃卽
廬中起靖經制廣州賊復走邕州靖策其必